

衆經撰雜譬喻

籍

下

四百卅四
寫四

51039



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



衆經撰雜譬喻卷下 四

比丘道略集

姚秦羅什譯

寫

外國有一呪龍師澡灌盛水詣龍池邊一心
讀呪此龍即時便見大火從池底起舉池皆
然龍見火怖出頭望山復見大火燒諸山澤
仰視山頭空無住處一切皆熱安身無地唯

見澡灌中水可以避難便滅其大身作微小
形入澡灌水中彼龍池者喻欲界也所望山
澤喻色界也視山頂者喻無色界也呪龍師
者喻菩薩也澡灌水者喻涅槃也術者喻方
便也大火然者喻現無常也龍大身者喻憍
慢也作小形者喻謙卑也言菩薩示現劫燒

欲色同然無常大火恐怖衆生令除憍慢謙卑下下然後乃恣入涅槃也

昔捕鳥師張羅網於澤上以鳥所食物着其中衆鳥命侶競來食之鳥師引網衆鳥盡墮網中時有一鳥大而多力身舉此網與衆俱飛而去鳥師見影隨而逐之有人謂鳥師曰鳥飛虛空而汝步逐何其愚哉鳥師答曰不如來告彼鳥日暮要求拙宿進趣不同如是當墮其人故逐不止日已轉暮仰觀衆鳥翻飛諍競或欲趣東或欲趣西或望長林或欲赴澗諍競不止須臾便墮鳥師還得次而殺之捕鳥師者如波旬也張羅網者如結使也負

網而飛如人未離結使欲求出要也日暮而止
如人懈怠心不復進也求捷不同者如起六
十二見互相反也鳥墮地者如人受邪報落
地獄也此明結使塵垢其魔網也是以結使
覆人猶如羅網在二塗中好當善護身口莫
令放逸在此網中也三惡道苦生死長遠不

可堪處

昔有賈客五百乘舡入海欲求珍寶值摩竭
大魚出頭張口欲食衆生時日風利而舡去
如箭商主語衆人言船去大疾可捨帆下沉
之輒如所言捨帆下沉舡去輒疾而不可止
商主問船上人言汝見何等答曰我見上有兩

日出日下有白山中閒有黑山商主驚言此
是大莫當奈何哉我與汝等今遭困厄入此莫
腹無復活理汝等各隨所事一心求救於是
衆人各隨所事一心歸命求脫此厄所求愈
薦船去愈疾湏臾不止當入魚口於是商主
告諸人言我有大神号名為佛汝等各捨所
舉一心稱之時五百人俱發大聲稱南無佛魚
聞佛名自思惟言今日世閒乃復有佛我當
何忍復害衆生適思惟已即便閉口水即倒
流轉遠魚口五百賈人一時脫難此莫前身
曾為道人以微罪故受此魚形既聞佛聲尋
憶宿命是故思惟善心即生此明五百賈人但

一心念佛暫稱名号即得解脫。弥天之難。况復受持念佛三昧。令重罪得薄。薄者令滅。足以爲驗也。

昔有屠兒詣阿闍世王所乞求一願。王曰。汝求何願。荅曰。節會之際。宜須屠殺。王見賜我當盡。爲之王曰。屠殺之事。人所不樂。汝何故樂求之。荅曰。我昔爲貧人。因屠羊之肆。以自生活。由是之故。得生四天王上。盡彼天壽。來生人中。續復屠羊。命終之後。生第二天。如是六反屠羊。因是事故。遍生六天。中受福無量。以是故。今從王乞一願。王曰。設如汝語。何以知之。荅曰。我識宿命。王聞不信。謂是妄語。如

此下賤之人何能識宿命耶後便問佛佛答
曰實如其言非妄語也此人先世曾值辟支
佛見佛歡喜至心諦觀仰視其首俯察其足
善心即生緣是功德故得生六天人間六返
自識宿命以福熟故得人天六返罪未熟故
未得受苦畢此身方當入地獄受屠羊之罪
地獄罪畢當生羊中一一償之此人識宿命
淺唯見六天中事不及過去第七身故便謂
屠羊即是生天因也如是但識宿命非通非明
也是以修功德者必發願勿便孟浪使果報
不明此可為驗矣

阿難白佛佛生王家坐於樹下念道六年得

佛如是為易得耳。佛告阿難：昔有長者居甚大富，衆寶備具，唯無赤真珠，以為不足。便將人入海採珠，經歷險阻，乃到寶處，刺身出血，油囊裹之，懸着海底。珠蛤聞血香，咬食之，乃得出蚌，剖蚌出珠。採之三年，方得一珮。發還到海邊，同伴見其得好寶，欲共圖之，具行取水。衆人推着井中覆之，而去。墮在井底，久其人見有師子從傍穴來飲水，其人復惶怖。師子去後，尋孔而出，還到本土，其伴歸到家，呼曰：「卿得吾一珮，無人知，兼欲見害卿，可密盡相還。吾終不言卿也。」其人怖懾盡還其珠。珠主得已，持還家，有兩兒着珠共戲，共相問曰：

此珠出生何處一兒曰生我囊中一兒曰生
室甕中父見笑之婦曰何笑答曰吾取此珠
勤苦乃尔小兒依我得之不識本末謂生甕
中佛告阿難汝但見我成佛不知我從無數
劫學之勤苦至今乃得謂之為易如彼嬰兒
謂珠生囊中矣是以修諸萬行積功累劫非
但一事一行一身而可得也

昔有導師入海採寶時有五百人追之共行
導師謂曰海中有五難一者激流二者洄波
三者大莫四者女鬼五者醉菓能度此難乃
可共行衆人要託乘風入海到寶渚各行採
寶一人不勝菓香食之一醉七日衆人寶足

颿風已到欲嚴還出鳴鼓集人一人不滿四
布求之見卧樹下醉未曾醒共扶來還折樹
枝拄之共歸還國家門聞喜恣來迎逆醉者
見無所得獨甚愁感醉人不樂拄杖入市市
人求價乃至二万兩金其人與之問杖有何
德曰此為樹寶搗燒此杖熏諸瓦石恣成珍
寶其人反求之少許持歸試驗果如其言所
可熏蒸恣成衆寶喻曰導師者謂菩薩也五
難者謂五陰也寶渚者謂般若七財也醉者
從心懈廢也折取寶樹枝者謂自修勵更興
精進薰瓦石成寶者謂以經道薰諸惡行悉
成法器也

昔山中有兩沙門閑居行道得六通去之不
遠有一師子生二子稍稍長大師子母欲行
心念惟道德二慈可以委命即語欲行來二
子尚小恐人傷害欲寄道人惟蒙慈護自當
來視道人許之師子行還見子附道人復捨
而行道人分衛還餘食共食之每見道人還
喜行迎道人後行獵師遇之師子子迸走入草
獵師依憑道人便着室中袈裟入草擒之師
子謂是道人即出赴之獵師打殺剥皮取作
師子皮裘直金千兩道人行還不見師子坐
禪觀之知為獵師所殺即以神力奪皮來還
作褥坐上口為呪願復禪觀之知當往生國

中長者家作雙生子道人往誚其家問長者何所乏曰惟患無子便報為長者求子長者大喜道人言若得子何以相報曰子長大當施為沙彌道人曰勿忘此要唯覺有娠後果雙生二男相似如一年八九歲道人過二兒見自然歡喜道人謂長者曰識本誓不長者不敢違誓便以二子施沙門沙門將入山學未久亦得阿羅漢亦恒自坐故皮上日日入禪自觀便見己前身皮各起禮謝師息力乃令我等得道皆是慈念之力禽獸善心猶尚解脫何況志情發於善願而不解脫也昔有屠兒欲供養道人以其惡故而無往者

後見一新學沙門威儀詳卒請歸飯食種種
餽饒食訖還請此道人願終身在我家食道
人即便受之玩習既久切見在其前殺生不
敢呵之積有年歲後屠兒父死作河中鬼以
刀割身即復還復道人渡河鬼捉舡曰沒此
道人着河中乃可得去舡人怖曰鬼言吾家
昔日供養此道人積年不呵我殺生今受此
殃恚故欲殺耳舡人曰殺生尚受此殃况乎
道人鬼曰我知尔恚故耳若能為我布施作
福呼名呪願我便相放舡人盡許為作福鬼
便放之道人即為鬼作會呼名呪願餘人次
復為作會詣河中呼鬼曰卿得福未鬼曰即

得無復苦痛。舟人曰：明日當為卿作福，得自來不鬼。口得耳鬼，旦化作婆羅門像，來手自供養，自受呪願，上座為說經。鬼即得須陀洹道，歡喜而去。是以主客之宜，理有諫正，雖墮惡道，故有善緣。可謂善知識者，是大因緣也。昔有賈客入海採寶，逢大龍神，舉舡欲翻，諸

人恐怖。龍曰：汝等頗遊行彼國，不報言曾行過。龍與一大卵，如五斗瓶。汝持此卵埋彼國市中大樹下。若不尔者，後當殺汝。其人許之。後過彼國，埋卵着市中大樹下。從是以後，國多灾疾，疫氣。國王召道術占之，云有蟒卵在國中。故令有灾疫，輒推掘燒之，病悉除愈。

賈客人後入海故見龍神重問事狀賈人曰
昔如神教埋邠市中國中多有疾疫王占梵
志占之推得焚燒病者悉除神曰恨不殺奴
輩舡人問神何故乃尔也神曰卿曾聞某國
有健兒某甲不日聞之已終亡矣神曰我是
也我平存時喜陵擿國中人民初無教呵我
者但獎我使我墮鱗地中悉欲盡殺之耳是
以人當相諫徙善相順莫自恃勢力陵擿於
人坐招其患三惡道苦但可聞聲不可形處
昔波羅奈國有五百盲人周行乞索值世飢
儉無所得自共議曰佛在舍衛教人惠施當
詣彼國可得濟命各曰當雇一人牽吾等到

彼五百盲人各許一銀錢其人即許將到彼國便尔進路受雇者語諸盲人曰此下道險卿等各以錢付我若逢寢賊我當藏之盲人盡以錢付之其人得錢便尔捨去諸盲人週遊數日飢渴不知道路即共同時歸命於佛言佛神聖當哀我等令免此厄佛即忽然現神在前手摩盲頭皆得眼明飢渴飽滿五百人歡喜踊躍願為弟子鬚髮即落衣鉢法服佛重為說法皆得應真飛隨佛還詣祇洹阿難白佛此五百人宿命有何罪福佛言昔過去世有長者雇五百人作先取作直各散捨去然後歷世故受此厄是時長者今擔錢去

者是也。債解。值吾開悟。今皆得道。罪福如是。是以人之造業不同。或是造業。或是報業。不可不慎也。

昔有二人。親親為知識。不相違失。後一人犯罪。罪應至死。便云。走過知識。知識不開門。逆問。卿是何人。荅曰。我是知識也。有罪故來相過耳。其人語曰。緩時為親親。有急各自當去。不前。卿也。知識大不樂。自念曰。人緩時出入。行來飲食。不相捨離。云。何有急。便尔相弃耶。豈是厚乎。便去。欲入山。復有一善知識往過之。其人便開門。箴之言。卿與我。雖踈。當送卿。着安隱處。便以車載珍寶。自往送到他國。當

與彼王諸長者所在相聞為作宮室安着田
宅財寶供給與已捨還佛尔時見此人便引
為喻犯罪者喻人精神親友者喻四大身善
知識者喻三歸五戒喻人將養四大飲食餽
饌四事無乏無常對至當墮惡趣求其歲避
須臾反閉門不前後遇善知識將至他國
安着所須供給無乏喻布施持戒至身死時
福力所引送到天上七寶宮殿服天寶衣天
百味食自然至極樂無量是以人生世勿貪
自養當割減作福如養四大身豈有所益知
者應行之

佛般涅槃後百歲有國王事天神大祠祀用

牛羊猪豚犬雞各百頭皆付厨士殺牛羊厨
士中有一優婆塞言我持佛戒不得殺生厨
監大恚即白王言欲治之王問曰汝故欲違
我教耶當殺汝厨士荅曰我是佛弟子受持
五戒寧自殺身不違佛教而便殺生若隨王
教犯殺者死入地獄巨億萬歲罪竟乃出常

常理佛因為廣說法要老母即得須陁洹道
冢間觀者無數千人皆發無上正真道意

昔王舍城中人民多豐饒九品異居不相雜
錯別有一億里有一億財者便入中居時有
居士視欲居中便行治生苦身節用廣諸方
計數十年中九十萬數未滿一億得病甚篤

自知不濟有一子年七八歲囑語其妻曰吾子長大付與財物令廣治生使足滿一億必居其中全吾生存之願矣言竟終亡喪送事畢母將子入示其寶物父有遺教須汝長大具一千万足滿一億居億里中子報母言何必須大便可付我早共居之母即付之於是童子以財物珍寶供養三尊施與貧乏者半年之中財物盡了其母愁惱恠子所作童子未幾身得重病遂便喪亡其母既失財子又幼喪憂愁歎惜之中有最富者八十居而無子性於是童子往生其家為第一婦作子滿十月生端正聰明自識宿命母自抱乳確不

肯食青衣抱養亦復如是兒前母聞生子如是偶往看省見便愛之即抱嗚嘍開口求食者大喜重雇其價使養護子長者便與夫人議曰吾少子性他人抱養不肯飲食此婦抱撮兒輒歡喜吾今欲往迎取以為小妻令養視吾子為可尔不夫人聽之便以禮娉迎來別作屋宅分財給與無所乏短兒便語母為相識不母大怖懽而言不相識兒白母言我是母之前子取母九十万分用布施今共來作十八億主不勞力而食福為何如耶母聞是言且悲且喜其兒長大化一億里為摩訶衍道故謂正使億千出一邑里能為空舍安

辨此兒所作過於本望令得出家必能成道
即聽出家兒辭母向佛所求作沙門即得具
足精進不久得阿羅漢道還度父母及一切
人得福得道無不歡喜是以作福發願但在
心志無往不得也

昔有一老母惟有一子得病命終載着冢間
停屍哀感不能自勝正有一子當以備老而
捨我死吾用活為不能復歸當併命一處不
食不飲已四五日佛知將五百比丘詣彼冢
間老母遙見佛來威神光弈迷悟醉醒前趣
佛作禮住佛告老母何以冢間也白言世尊
唯有一子捨我終亡愛之情重欲共死一處

佛告老母欲令子更活不也母言善曰欲得矣
佛言索香火吾當呪願更生告老母求火宜得
不死家火於是老母便行取火見人輒問汝家
前後頗有死者不荅言先祖以來皆死過去所
問之處辭皆如是經數十家不取取火便還佛
所白言世尊遍行求火無不死者是以空還佛告
老母天地開闢以來無生不終人之死亡後人
生活亦復何喜母獨何迷索隨子死也母意便
解識無常理佛因尔廣為說經法即得涇陘
涇道冢間觀者數千人發無上正真道意也
昔有一人兩婦大婦無兒小婦生一男端正
可愛其婿甚喜大婦內心嫉之外揚愛念劇

於親子見年一歲許家中皆知大婦愛重之
無復疑心大婦以針刺兒額上令沒皮肉兒
得病啼呼不復乳哺家中大小皆不知所以
七日便死大婦亦復啼哭小婦摧念啼哭晝
夜不息不復飲食垂命後便知為大婦所傷
便欲報讎行詣塔寺問諸比丘大德欲求心中

所願當修何功德諸比丘答言欲求所願者
當受持八關齋所求如意即從比丘受八戒
齋便去却後七日便死轉身來生大婦為女
端正大婦愛之年一歲死大婦端坐不食悲
哽摧感劇於小婦如是七返或二年或三年
或四五年或六七年後轉端正倍勝於前家

後年十四已許人垂當出門即夜便卒死大
婦啼哭憂惱不可復言不復飲食晝夜啼哭
垂淚而行停尸棺中不肯蓋之日日看視死
屍光顏益好勝於生時二十餘日有阿羅漢
見往欲度脫到其家從乞令婢持一鉢飯與
之不肯取語婢欲得見汝主人婢還報云欲
見大家答言我憂愁垂死何能出見沙門汝
為持物乞與令去婢持物與沙門故不肯去
沙門言欲見主人婢如是數反沙門不去婦
愁憂無聊沙門正住不去乱人意不能耐之
便言呼來沙門前見婦顏色憔悴自掩面目
不復擲梳沙門言何為乃尔婦言前後生七

女黠慧可愛便亡此女最大垂當出門便復
死亡令我憂愁沙門言櫛梳頭拭面我當語
汝婦故哭不肯止沙門謂言汝家小婦今為
所在本坐何等死婦聞此言意念此沙門何
因知之意中小差沙門語言汝梳頭逮我當
為汝說之婦即歛頭訖沙門言小婦兒為何
等死婦聞此語默然不荅心中慚愧不敢復
言沙門言汝殺人子令其母愁憂懊惱死故
來為汝作子前後七反是汝怨家欲以憂毒
殺汝汝試往視棺中死女知復好不婦往視
之便爾壞爛臭不可近問何故念之婦即慚
愧便藏埋之從沙門求哀欲得受戒沙門言

明日来詣寺中女死便作毒蛇知婦當行受
戒於道中待之欲噬殺之婦行蛇遂遮前不
得前去日遂歆冥婦大怖懔心念言我欲至
沙門許受戒此蛇何以當我前使我不得行
沙門知之便往至婦所婦見沙門大喜便前
作禮沙門謂蛇曰汝後世世更作他大婦共相
酷毒不可窮盡今現世間大婦一反殺兒汝
今懊惱已七返汝前後過惡皆可度此婦今
行受戒汝斷其道汝世世當入泥犁中無有
竟時今現蛇身何如此婦身蛇聞沙門語乃
自知宿命煩怨詰屈持頭着地不喘息思沙
門語沙門呪願言今汝二人宿命更相懊惱

罪過從此各畢於是世世莫復惡意相向二
俱識訖地即命終便生人中於時聽沙門語
即心開意解歡喜得須陀洹道便隨沙門去
受戒作優婆夷是故罪業怨對如此不可不
慎之

昔舍衛國一旦雨血縱廣四十里王與群臣
甚大驚恠即召諸道術及知占候使推之知
為吉凶占者對曰舊記有云雨血之灾應生
人蟒毒害之物宜推國內彰別灾禍王曰何
以別之知占師曰是為人毒難可別知試勅
國中新生小兒皆送來以一空甕使兒唾中
中有一兒唾甕即成火炎知此兒是人蟒議

曰此不可着人閒即徙置空隱無人之處國中
有應死者可送與之蟒吐毒殺之如是前
後被毒所殺七萬二千人有師子來出震吼
之聲四十里內人物懾伏所流暴害莫能制
御於是王即募國中能却師子者與千金封
一縣無有應者衆臣白王唯當有人蟒能却

之即勅吏往呼人蟒遙見師子徃徃住前毒
氣吹師子即死蠟爛消索國致清寧後時人
蟒年老得病命將欲終佛愍其罪重一墮惡
道無有出期便告舍利弗汝往勸之使脫重
殃舍利弗便徃其家神足來入忽然住前人
蟒隆怒念曰吾尚未沒為人所易無所關白

徑來住人前便放毒氣謂能為害舍利弗以
慈慧攘之光顏益好一毛不動三放毒氣而
無能害即知其尊意解善念生便以慈心上
下七反觀舍利弗舍利弗便還精舍吸氣人
蟒命終當于其日即天地大動極善能動天地
極惡亦能動時摩竭王即詣佛所稽首于地
問世尊曰人蟒命終當趣何道佛言今生第
一天上王聞佛語恠而更問佛言大罪之人
何得生天佛言以見舍利弗慈心七反上下
視之因是功德生第一天福盡當生第二天
上至七反以後當得辟支佛而般涅槃王白
佛言七萬二千人罪不復償耶佛言末後作

辟支佛時身當如紫磨金時當在道邊樹下
坐入定意時有大軍衆七萬餘人過見辟支
佛謂是金人即取斫破各分之定墮手中視
之是肉皆還聚置而去辟支佛因是般涅槃
今世之罪乃尔時薄償便畢佛告王遇善知
識者山積之罪可得消滅亦可得道佛說是
時王及太衆皆大歡喜禮佛而去

昔有沙門坐在樹下誦經鳥來在樹上聽經
專心聽經不左顧右視為獵師所射殺鳥臨
死時其心不乱魂神即生天上自念生所從
來根源便識一世宿命既生天已來下散華
在樹下沙門上天人語道人曰蒙道人誦經恩

福故得免此鳥身得為天人道人聞鳥語便
得道跡須臾忽然不現天人還本所師曰諸
學道者臨欲壽終心不亂者所生不墮惡道
苦痛之處便識宿命自所更來故出經示後
生也

昔佛在世時去祇洹七里有—老公健飲酒
弟子阿難往諫喻今佛在此宜當往見老公
言我聞佛在此意欲往見佛佛善授人五戒
不得飲酒我不得飲酒如小兒不得乳便當
死我不堪是故不往也復行飲酒飲酒醉暮
便來歸道中脚撥掘株上便倒地如大山崩
舉身皆痛便自說言斯痛何快乎阿難常語

我當至佛所我不肯隨語今身痛不可言便
語家中大小言吾欲至佛所家中聞之皆驚
愕公初不肯至佛所今何緣欲往語已便往
在祇洹門外住時阿難見老公來歡喜白佛
言去祇洹七里老公已來在門外佛言老公
不能獨來五百白象勉來耳阿難白佛無五
百象獨來耳佛語阿難五百白象在公身中
於是阿難呼公前為佛作禮白佛言我久聞
佛在此愚癡所致不早奉覲願佛赦除我罪
也佛問老公積五百車薪着地欲燒之盡當
用幾車火能燒盡耶老公白佛不用多火用
如豆許火燒如彈指頃便盡佛復問公公着

衣來幾時公言我着衣來一歲佛復問公欲浣此衣去垢當幾歲能淨公言得純灰汁一斗浣須更便淨佛語公公之積罪如五百車薪復如一歲衣之垢老公當從佛受持五戒於是佛說數百言經豁然意解即得阿惟越致

昔佛涅槃後百年有王名阿育大憍奢作殿舍縱廣十里皆召諸小國畫師畫師至各隨意畫作種種形像剎賓比有一小國最遠送一畫師後到觀壁上屋表裏畫畫遍唯有門頰邊五尺未畫復至仰觀視諸物不知復作何物自念我始來時過一小城城邊有池池

有蓮華見有一女端正姝好有相可中天下
母思惟已便畫作城池蓮華及女像訖王至
殿未入便見此畫問誰畫此耶曰後來畫師
即問汝見形作也虛作也曰見而作非虛王
問汝爲如形像作也爲使好乎曰不使好如
其形耳乃相知此女中天下母便遣使者索
娉爲皇后使者受命送往其國見女父母謂
言王索賢女爲皇后女父曰嫁當奈何便謂詣
女夫家語王使我索此女道遠三年乃到去
卿已取王者至尊卿不宜惜也當時與王此
夫是優婆塞自思念人以財色危身若不與
者或能治人便以婦與使者去還到白王王

見大歡喜即拜為皇后得好華便悲啼王問
何故啼后曰王救我罪當說耳王曰為說后
曰此正似我前夫香以故啼耳王恚曰汝為
天下之母故復念貧賤汝是老嫗當應治之
盲遣使者往錄其故夫知為香不若香者
故當治之使者往問其家人家人曰此賢者
失婦已便報父母行作沙門得阿羅漢道使
者詣佛國中語言王欲見供養道人道人曰
我亦無所有復見我為使白言王欲供養道
人道人隨使去到白王王見道人道人身香
甚於蓮華王曰此人以香塗身但作熱湯浴
之香又更甚復以繒其身其身香轉倍王乃

信之問道。人何緣得香。乃尔願見。告示道人。
語王。吾前世時。為婆羅門。行遙見人。說經。我
义手歡喜。一心稱讚。菩薩。兼以少香。燒以供
養。故令得福。遂至道果。

昔有父子二人。共居入山。斫林。泉水有黃金。
子便歸求父。索分言。我不用餘物。物盡與父。
惟與我車。牛一具。米二斛。荻斫各一枚。父不
聽之。數諫不止。父便與之言。汝莫復來。歸子。
便入山。掘泉水中。金日日終。不能得。父便共
相將往視之。觀如是金。仰視山頭。邊有金。若
山影現水中。便上山。以大木幢。墮金於地。父
語兒。求之法。當云。何但掘水。何時當得。子不

曉求金者唯人不持五戒但逐聽色聲人身
豈復可還得也父者唯如黠之求金者觀如
本末時持佛五戒加行十善生天人身世世
不失後得佛道果

昔天帝釋與第七梵天親善時梵天下至忉
利天上共戲釋愁不樂梵天問釋何以不樂
釋曰卿見我天上人轉希不下方人無復作
善者皆入惡道中無復生上者天人下生人
間轉復不還我故愁耳梵天語釋卿便死化
作一師子極令威勢我當化作婆羅門共下
到閻浮提教授天下使為善為善死皆生天
便各隨所化下到一國師子在城門中言我

欲得人噉國人見之無不惶怖叩頭求哀終不肯去化婆羅門語國人言此師子惡與罪人應死者三十人自當去也王便出獄囚應死者三十人與師子師子得人駑着前去到深山中未噉之頃化天語諸人卿等能持五戒念十善道身口意相應者此師子便不噉

人諸人言我等當死此何足言能持耳便從化人受戒師子便不噉師子言置令去雖尔我知汝心若不持佛五戒者我故當噉汝尔三十人還國國人見皆驚問曰卿那得還耶答曰有一人教我等受佛五戒師子便不復噉我故我得來歸耳師子復住城門中國人

大惶怖皆從三十人受五戒師子便去復到
一國如是周遍八萬諸國皆使為善死者生
天天上更大樂豐盛饒人菩薩方便度人如
是自到作佛佛語阿難釋天化師子者我身
是也梵天化作婆羅門者今迦葉是也尔時
助我化度天下人使我得佛我故與並坐報

尔時息

昔迦葉佛時有王名拘旬尼為佛建立精舍滿
事之王第七女前事梵志後信事佛梵志惡
之字為僧婁王有十夢恠而問之梵志思夢
欲陷此女語王言得取愛女梵燒祠天乃吉
王甚不樂女問王曰何以不樂王說如是女曰

燒吉者我分當之間幾日當祠梵志言後七
日女白王雖當死願聽詣佛所使城南人盡
送我出便勅送之女將至佛所說法盡得見
法日一方送城四方面人悉見諦復求在城
中人送亦如是六日求王及宮中官屬送之
佛為說法悉皆見諦王乃知梵志欺詐語梵
志汝幾誅殺我女汝不為佛作沙門當出國
去梵志不知所至不得已悉詣佛作沙門後
得阿羅漢果

衆經撰雜譬喻經卷下

寫

蜀賓

上居例反國名

叩頭

上音口擊也

自衒

下音縣誇也

推牛

上直追反擊也

迸挑

上必孟反

作掉徒而反

恃怙

上音市下音戶

汎也犯反浮汎險阻岨字蟬蒲項反蚌蛤顯音

唼食上雜反子一珮下妹反蒲風帆擒之上音禽

剥必角反玩習上作正翫陵歷下音寂賊上亦作苦侯反

責解上債字正開豚睹上音屯猪也粗才古反

報讎下冤音也酬悲哽下古也猛反無聊下郎彫反苦

賴也憔悴上自遂反柳梳上亦梳也風反酷毒上篤反苦

喘息上軟反尸懾伏上葉反攘之上而羊反掘株上其

浣浣上玄也律二同豁然上括反呼門頰下反古荻徒

反蘆也黠反田律也二同豁然上括反呼門頰下反古荻徒

衆經撰雜譬喻經卷下

寫

